



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ალასანია ირაკლი მამიას ძე



ი. ალასანია

ალასანია ირაკლი მამიას ძე (დ. 21. XII. 1973, ბათუმი), პოლიტიკური მოღვაწე, აფხაზეთის ავტონომიური რესპუბლიკის მთავრობის თავმჯდომარე 2004–06 და საქართველოს პრეზიდენტის მრჩეველი კონფლიქტების მოწესრიგების საკითხებში. დაამთავრა თსუ-ის იურიდ. ფაკ-ტი საერთაშორისო სამართლის სპეციალობით (1995), იმავდროულად 1994–96 სწავლობდა სახელმწ. უშიშროების აკადემიაში. სხვადასხვა დროს მუშაობდა საქართვე. სახელმწ. უშიშროების, საგარეო საქმეთა და თავდაცვის სამინისტროებში: იყო უშიშროების (2002–04) და თავდაცვის (2004) მინისტრის მოადგილე, ეროვნული უშიშროების საბჭოს მდივნის თანაშემწე (2004), 2006–08 იყო საქართვე. მუდმივი წარმომადგენელი გაეროში, ამავედროულად საქართვე. პრეზიდენტის პირადი წარმომადგენელი ქართულ-აფხაზურ მოლაპარაკებებში.

2009 ა-მ დაარსა პარტია „ჩვენი საქართველო-თავისუფალი დემოკრატები“, 2011 გახდა კოალიცია „ქართული ოცნების“ წევრი. საპარლამენტო არჩევნებში კოალიციის გამარჯვების შემდეგ 2012 დაინიშნა საქართვე. თავდაცვის მინისტრად. 2014 ნოემბერში პრემიერ-მინისტრმა ა. პოსტიდან გადააყენა, რის შემდეგაც მან კოალიცია დატოვა.
